



UNIVERSITÄTS-
BIBLIOTHEK
PADERBORN

Vitæ D. N. Iesv Christi Monotessaron Evangelicum

Heser, Georg

Monachii, 1657

Quænam perpendada sint in meditatione Passionis Christi.

Nutzungsbedingungen

[urn:nbn:de:hbz:466:1-56533](https://nbn-resolving.org/urn:nbn:de:hbz:466:1-56533)

I. **Q**uidam de custodibus venerunt in civitatem, & nunciaverunt principibus Sacerdotum omnia, quæ facta fuerant. *Matth. 28. v. 11.*

II. Et congregati cum senioribus, consilio accepto, pecuniam copiosam dederunt militibus, dicentes: Dicite, quia discipuli eius nocte venerunt, & furati sunt eum, nobis dormientibus. Et si hoc auditum fuerit à Præside, nos suadebimus ei, & securos vos faciemus. *Matth. 28. v. 12. 13. 14.*

III. At illi, acceptâ pecuniâ, fecerunt, sicut erant edocti. Et divulgatum est verbum istud apud Iudæos, usque in hodiernum diem. *Matth. 28. v. 15.*

EX R. P. ANTONII GAV-
DIER SOC. IESV, INTRO-
duct. ad perfectionem, cap. 29.

§. 7.

*Quenam perpendenda sint in Medita-
tione Passionis Christi.*

EA potissimum sunt quinque. *Primum est: Illum, qui patitur, esse Deum Majestatis, & hominem sanctissimum, innocentissimum, justissimum, liberalissimum, qui totâ vitâ nihil ulli mali, sed omnibus benefecit. Sic te decet post sanctam & laudabi-*

N 3

lem,

lem, atque omnibus utilem vitam, aliud nihil expectare, quàm aduersa, si ei similis esse cupis.

Secundum est: Quid patiatur? Exteriùs nuditatem, & paupertatē extremam: contumelias & opprobria, infinitæ ejus sanctitatis sapientiæ, & potentiæ injuriosa: amicorum fugam, & derelictionem: dolores vehemētissimos in omnibus membris, & sensibus. Interiùs verò ariditates, anxietates, desolationes, ac vehementem & continuam tristitiam sine consolatione ulla; ob injurias Deo irrogatas, atque tot animarum perditionem: timores, tœdia, agoniam ad sudorem usque sanguinis. Nam tantum internos dolores admisit, quantum ferre potuit, ad Dei gloriam, & nostram salutem.

Tertium est: A quibus passus sit? ab ijs nempe, à quibus honorari & amari debebat, omnis generis & conditionis hominibus: Judæis, & Gentilibus; Regibus, Gubernatoribus, Pontificibus, Sacerdotibus, Pharisæis (qui eo tempore erant alijs religiosiores) doctis, indoctis, aulicis, militibus, &c. Hi omnes præter vehementes invidiæ, ambitionis, avaritiæ, & id genus passiones contra Christum, ab ipsis dæmonibus incitabantur acriùs, ut nulla illi in re parcerent, nihil ei re-

Equum in bonis, in fama, & honore, in corpore, in vita facerent. Adde & Discipulorum fugam, Petri negationem, Patris permissionem, adeo ut nullum planè videretur habere, ad quem confugeret.

Quartum est: Pro quibus patiat? nempe pro nobis, atque adeo ut omnia, & singula peccata nostra expiaret, nobis virtutes omnes, & gratias etiam singulas impetraret; nobis, inquam, qui ab eo alieni eramus: nam pro ipsis crucifixoribus suis, quibus & peccatorum remissionem & veniam suo sanguine & lachrymis à Deo Patre obtinebat.

Quintum est: Quomodo passus sit? nempe tanto cum amore, ardore, zelo. Nam oblatuſ est, quia ipse voluit: voluit verò cū ardenti desiderio gloriae Dei reparandae, & satisfaciendi ejus justitiae. Itaque erat desiderium hoc, ex vero Dei amore profluens, insatiabile, adeo ut longè plura pati exoptaret. Item cum tanta humilitate, obedientia, & subjectione erga Patrem: tantâ patientiâ, suavitate, atque mansuetudine.